



SLUŽBENE NOVINE GRADA ZENICA

GODINA L
Broj 7

Ponedjeljak, 2. 9. 2024. godine

ISSN 1840-4588

GRADSKO VIJEĆE

102.

Na osnovu člana 13. Zakona o principima lokalne samouprave u Federaciji Bosne i Hercegovine ("Sl. novine Federacije BiH", br. 49/06 i 51/09), čl. 49., 50. i 51. Zakona o dugu, zaduživanju i garancijama u Federaciji Bosne i Hercegovine ("Sl. novine F BiH", br. 86/07, 24/09 i 44/10), te člana 21. tačka 8. Statuta Grada Zenica ("Sl. novine Grada Zenica", br. 5/15), Gradsko vijeće Zenica na 48. sjednici održanoj 20. 8. 2024. godine donosi

ODLUKU

o davanju saglasnosti za izdavanje garancije za kreditni aranžman JP "Grijanje" d.o.o. Zenica sa Evropskom bankom za obnovu i razvoj (EBRD)

Član 1.

Daje se saglasnost za izdavanje garancije za kreditni aranžman JP "Grijanje" d.o.o. Zenica sa Evropskom bankom za obnovu i razvoj radi obezbjeđenja finansiranja "Projekta BOSNA I HERCEGOVINA: 52975 GrCF2 W2" Zenica centralno grijanje ("Projekat"). Pretfinansijski sporazum i Indikativna otplata kredita čine sastavni dio ove odluke.

Član 2.

Kreditna sredstva iz člana 1. namijenjena su za realizaciju "Projekta" iz čl. 1. i bit će data pod sljedećim uslovima:

1) Finansijer: Evropska banka za obnovu i razvoj (EBRD)

1.1 Iznos finansiranja: 5.050.000,00 EUR

1.2 Rok otplate: 13 godina (3 godine grejs period + 10 godina za otplatu glavnice)

1.3 Kamatna stopa: 4%-5% godišnja p.a. marža + EURIBOR 6M (ovisno o Bančinoj procjeni ukupnog rizika Projekta)

1.4 Jednokratna provizija: 1% iznosa glavnice kredita

1.5 Provizija na neiskorištena sredstva 0,5% p.a. godišnje na sav neiskorišteni iznos kredita

2) Finansijer: Evropska banka za obnovu i razvoj (EBRD) iz Zelenog klimatskog fonda (GCF)

2.1 Iznos finansiranja: 1.000.000,00 EUR

2.2 Rok otplate: 13 godina (3 godine grejs period + 10 godina za otplatu glavnice)

2.3 Kamatna stopa: 0,75%

2.4 Jednokratna provizija: 0,5% iznosa glavnice kredita

3) Finansijer: Švicarski državni sekretarijat za ekonomska pitanja (SECO)

3.1 Iznos granta: 3.000.000,00 EUR

Član 3.

Grad Zenica garantuje za obaveze JP "Grijanje" d.o.o. Zenica, na cjelokupan iznos kredita i granta uvećane za troškove i kamate, utvrđene prema uslovima iz kreditnog aranžmana iz člana 1. ove odluke.

Ovlašćuje se Gradonačelnik da potpiše ispravu o davanju garancije za zaduženje JP "Grijanje" d.o.o. Zenica.

Član 4.

Grad Zenica garantuje da će, na poziv davaoca kredita, obaveze JP "Grijanje" d.o.o. Zenica opisane u čl. 2. Odluke ispuniti u roku od 30 dana od dana dospjeća ukoliko iste ne budu ispunjene.

Član 5.

JP "Grijanje" d.o.o. Zenica dužno je obezbijediti i rezervisati sredstva za otplatu kreditnog zaduženja, a u slučaju nepredviđenih okolnosti dužno je blagovremeno obavijestiti Grad o eventualnim poteškoćama u otplati kredita.

Član 6.

Prije izdavanja garancije Grad Zenica će zaključiti Ugovor s JP "Grijanje" d.o.o. Zenica, kojim će urediti međusobna prava i obaveze u svrhu redovne otplate kredita, kao i instrumente osiguranja.

Član 7.

Ova odluka stupa na snagu danom donošenja, a objavit će se u "Službenim novinama Grada Zenica".

Broj: 01-45-16703/24
Zenica, 20. 8. 2024. godine

PREDSJEDAVAJUĆI
GRADSKOG VIJEĆA
Mirza Husetić, s.r.

103.

Na osnovu člana 243. tačka j) Zakona privrednim društvima ("Sl. novine Federacije BiH", br. 81/15 i 75/21) i čl. 49., 50. i 51. Zakona o dugu, zaduživanju i garancijama u Federaciji Bosne i Hercegovine ("Sl. novine F BiH", br. 86/07, 24/09 i 44/10), Gradsko vijeće Zenica na 48. sjednici održanoj 20. 8. 2024. godine donosi

ODLUKU**o davanju saglasnosti JP "Grijanje" d.o.o. Zenica za kreditno zaduženje kod Evropske banke za obnovu i razvoj (EBRD)****Član 1.**

Daje se saglasnost JP "Grijanje" d.o.o. Zenica za kreditni aranžman sa Evropskom bankom za obnovu i razvoj (EBRD) za realizaciju "Projekta BOSNA I HERCEGOVINA: 52975 GrCF2 W2" Zenica centralno grijanje ("Projekat"), u iznosu od 9.050.000,00 EUR-a.

Pretfinansijski sporazum i Indikativna otplata kredita čine sastavni dio ove odluke.

Član 2.

Kreditna sredstva iz člana 1. ove odluke daju se pod sljedećim uslovima:

1) Finansijer: Evropska banka za obnovu i razvoj (EBRD)

1.1 Iznos finansiranja: 5.050.000,00 EUR

1.2 Rok otplate: 13 godina (3 godine grejs period + 10 godina za otplatu glavnice)

1.3 Kamatna stopa: 4%-5% godišnja p.a. marža + EURIBOR 6M (ovisno o Bančinoj procjeni ukupnog rizika Projekta)

1.4 Jednokratna provizija: 1% iznosa glavnice kredita

1.5 Provizija na neiskorištena sredstva 0,5% p.a. godišnje na sav neiskorišteni iznos kredita

2) Finansijer: Evropska banka za obnovu i razvoj (EBRD) iz Zelenog klimatskog fonda (GCF)

2.1 Iznos finansiranja: 1.000.000,00 EUR

2.2 Rok otplate: 13 godina (3 godine grejs period + 10 godina za otplatu glavnice)

2.3 Kamatna stopa: 0,75%

2.4 Jednokratna provizija: 0,5% iznosa glavnice kredita

3) Finansijer: Švicarski državni sekretarijat za ekonomska pitanja (SECO)

3.1 Iznos granta: 3.000.000,00 EUR

Član 3.

JP "Grijanje" d.o.o. Zenica dužno je obezbijediti sredstva za servisiranje kredita, a u slučaju nepredviđenih okolnosti dužno je blagovremeno obavijestiti Grad Zenicu o poteškoćama u otplati kredita.

Član 4.

Ova odluka stupa na snagu danom donošenja, a objavit će se u "Službenim novinama Grada Zenica".

Broj: 01-45-16707/24
Zenica, 20. 8. 2024. godine

PREDSJEDAVAJUĆI
GRADSKOG VIJEĆA
Mirza Husetić, s.r.

104.

Na osnovu člana 363. st. 1. Zakona o stvarnim pravima Federacije Bosne i Hercegovine („Službene novine F BiH“, broj: 66/13 i 100/13), a u vezi s Pravilnikom o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova („Sl. novine F BiH“, broj 17/14), člana 13. stav 2. alineja peta Zakona o principima lokalne samouprave u Federaciji Bosne i Hercegovine („Sl. novine Federacije Bosne i Hercegovine“, broj: 49/06 i 51/09) i člana 21. tačka 7. i 103. stav 2. Statuta Grada Zenica („Službene novine Grada Zenica“, br. 5/15), Gradsko vijeće Zenica, na 48. sjednici održanoj 20. 8. 2024. godine, donijelo je

ODLUKU

o prihvatu Izvještaja o provedenom postupku po ponovnom međunarodnom javnom pozivu za iskazivanje interesa za kupovinu kompleksa / nekretnina bivšeg Zeničkog odmarališta Duće, Općina Dugi Rat, Republika Hrvatska s prijedlogom Komisije za zaključenje predugovora o kupoprodaji kompleksa / nekretnina bivšeg Zeničkog odmarališta u mjestu Duće, Općina Dugi Rat, Republika Hrvatska

Član 1.

Prihvata se Izvještaj Komisije za pripremu potrebnih procedura ponovne objave i provođenja međunarodnog javnog poziva za prodaju bivšeg Zeničkog odmarališta u mjestu Duće, općina Dugi Rat, Republika Hrvatska o provedenom postupku po ponovnom međunarodnom javnom pozivu za iskazivanje interesa za kupovinu kompleksa / nekretnina bivšeg Zeničkog odmarališta Duće, Općina Dugi Rat, Republika Hrvatska s prijedlogom Komisije za zaključenje predugovora o kupoprodaji kompleksa / nekretnina bivšeg Zeničkog odmarališta u mjestu Duće, Općina Dugi Rat, Republika Hrvatska između Grada Zenica i ponuđača Andro Internacional d.o.o. iz Omiša, Republika Hrvatska.

Izvještaj Komisije od 19.08.2024. godine i Zapisnik Komisije o otvaranju ponuda i javnoj licitaciji od 16.08.2024. godine čine sastavni dio ove odluke.

Član 2.

Međusobna prava i obaveze ugovornih strana bit će regulisani predugovorom i ugovorom o prodaji

kompleksa / nekretnina bivšeg Zeničkog odmarališta u mjestu Duće, općina Dugi Rat, Republika Hrvatska.

Član 3.

Ovlašćuje se Gradonačelnik Grada Zenica da sa ponuđačem Andro Internacional d.o.o. iz Omiša, Republika Hrvatska zaključi predugovor i ugovor o kupoprodaji kompleksa / nekretnina bivšeg zeničkog odmarališta u mjestu Duće, općina Dugi Rat, Republika Hrvatska u formi notarski obrađenog ugovora uvažavajući nacrt predugovora koji je sastavni dio ponude, a u skladu sa Zakonom o stvarnim pravima („Sl. novine Federacije BiH“, br. 66/13 i 100/13), te poduzme sve potrebne pravne radnje u procedurama provođenja prodaje.

Član 4.

Sastavni dio ove odluke je sljedeća dokumentacija:

1. Ponuda Andro Internacional d.o.o.
2. Nacrt Predugovora za kupovinu kompleksa / nekretnina bivšeg Zeničkog odmarališta u mjestu Duće, općina Dugi Rat, Republika Hrvatska
3. Zapisnik s otvaranja ponuda po ponovnom međunarodnom javnom pozivu za iskazivanje interesa za kupovinu kompleksa / nekretnina bivšeg Zeničkog odmarališta u mjestu Duće, Općina Dugi Rat, Republika Hrvatska i javne licitacije od 16.08.2024. godine
4. Izvještaj o provedenom postupku po ponovnom međunarodnom javnom pozivu za iskazivanje interesa za kupovinu kompleksa / nekretnina bivšeg Zeničkog odmarališta Duće, Općina Dugi Rat, Republika Hrvatska
5. Međunarodni javni poziv za iskazivanje interesa za kupovinu kompleksa/nekretnina bivšeg Zeničkog odmarališta Duće, općina Dugi Rat, Republika Hrvatska

Član 5.

Ova odluka stupa na snagu danom donošenja, a objavit će se u „Službenim novinama Grada Zenica“.

Broj: 01-45-16285/24

Zenica, 20. 8. 2024. godine

PREDSJEDAJUĆI

GRADSKOG VIJEĆA

Mirza Husetić, s.r.

105.

Na osnovu člana 8. st. (2) i (3) alineja 9. Zakona o principima lokalne samouprave ("Službene novine Federacije BiH", br. 49/06 i 51/09), člana 21. t. 2. i 7. Statuta Grada Zenica ("Službene novine Grada Zenica", broj 5/15) i člana 37. Poslovnika Gradskog vijeća ("Službene novine Grada Zenica", br. 4/17, 4/20 i 10/21) Gradsko vijeće Zenica, na 48. sjednici održanoj 20. 8. 2024. godine, donijelo je

ODLUKU**o izmjenama i dopunama Odluke o zakupu poslovnih prostora****Član 1.**

U Odluci o zakupu poslovnih prostora ("Službene novine Grada Zenica", broj 3/18) u članu 3. dodaje se novi stav (2) koji glasi:

"(2) U poslovnim prostorima iz stava (1) ovog člana nije dozvoljeno obavljanje djelatnosti lutrije i igara na sreću."

Član 2.

U članu 4. dodaju se novi stavovi (3) i (4), koji glase:

"(3) Subjektima iz člana 33a. ove odluke poslovni prostori daju se u zakup na period od jedne godine.

(4) Važenje ugovora o zakupu poslovnog prostora može se produžiti ako zakupac u potpunosti izvršava obaveze iz ugovora u kojem slučaju je dužan podnijeti zahtjev za produženje važenja najkasnije 30 dana prije isteka perioda na koji je zaključen."

Član 3.

U članu 5. stav (2) alineja 3. mijenja se i glasi:

"- udruženjima, fondacijama, humanitarnim organizacijama i vjerskim institucijama,"

U istom članu, iza alineje 4. dodaju se alineje 5. i 6. koje glase:

- "prostor u objektu društvenog doma, uz prethodno pribavljeno mišljenje Savjeta mjesne zajednice na čijem području se nalazi objekat doma,
- devastirani i poslovni prostor koji nije izdat ni nakon dva uzastopna javna oglasa."

Član 4.

U članu 8. stavovi (3) i (4) se brišu.

Član 5.

U članu 13. stav (3) alineja 7. mijenja se i glasi:

„rješenje o upisu u sudski ili drugi registar, odnosno rješenje o obavljanju djelatnosti (ovjerena fotokopija) za pravna lica i obrte, odnosno kopija lične karte za fizička lica.”

U istom članu, iza stava (3) dodaje se novi stav (4) koji glasi:

“Nepotpune i neblagovremene prijave, odnosno ponude neće se uzeti u razmatranje.”

Član 6.

U članu 21. alineje 6. i 7. mijenjaju se i glase:

“- iznos i rok plaćanja zakupnine,

- odredbu da zakupac plaća naknadu za korištenje zajedničkih prostorija i uređaja u zgradi (održavanje zajedničkih dijelova zgrade) i druge komunalne naknade i usluge, te da je dužan s davaocima komunalnih usluga zaključiti ugovor.”

Član 7.

Član 22. mijenja se i glasi:

”Nakon potpisa ugovora o zakupu poslovnog prostora vrši se primopredaja prostora o čemu se sačinjava zapisnik.”

Član 8.

Član 24. mijenja se i glasi:

”(1) Zakupac je dužan da koristi poslovni prostor u skladu sa ugovorom i ne može isti izdati u podzakup trećem licu bez prethodne saglasnosti Gradonačelnika, a na osnovu obrazloženog prijedloga resorne službe.

(2) Podzakup iz stava (1) ovog člana može trajati najduže dvije godine.”

Član 9.

Član 26. mijenja se i glasi:

”(1) Gradonačelnik može, na prijedlog resorne službe, dati saglasnost za stupanje u prava i obaveze dosadašnjeg zakupca sljedećim licima:

- a) supružniku, djeci, usvojenicima, roditeljima ili unucima ako zakupac umre ili bude penzionisan, izgubi poslovnu sposobnost ili

bude odsutan zbog dužeg liječenja pod uslovom da nastave poslovati po osnovu iste ugovorene djelatnosti,

- b) zaposlenicima, ako zakupac umre ili bude penzionisan, koji su najmanje godinu dana bili zaposleni kod zakupca, pod uslovom da nastave poslovati po osnovu iste ugovorene djelatnosti i
- c) pravnom sljedniku dosadašnjeg zakupca, pod uslovom da nastavi poslovati po osnovu iste ugovorene djelatnosti.

(2) Lica iz tačke a), b) i c) stava (1) ovog člana podnose zahtjev resornoj službi najkasnije u roku od 30 dana od dana nastupanja smrti, penzionisanja, gubitka poslovne sposobnosti, odlaska na liječenje ili prestanka postojanja pravnog lica, s dokazima o ispunjavanju uslova iz stava (1) i (3) ovog člana i o pokrenutom postupku za registraciju iste djelatnosti na svoje ime.

(3) Stupanje u prava i obaveze dosadašnjeg zakupca može se odobriti licima iz stava (1) ovog člana pod uslovom da izmire dospjele obaveze i da nastave poslovati po osnovu iste ugovorene djelatnosti.”

Član 10.

U članu 27. stav (2) na kraju rečenice briše se interpunkcijski znak tačka i dodaju se riječi: “utvrđeni predmjerom i predračunom Javnog preduzeća za prostorno planiranje i uređenje grada “Zenica” d.o.o. Zenica”.

U istom članu stavovi (3) i (4) mijenjaju se i glase:

“(3) Ulaganje sredstava priznaje se u visini 60 % tržišne vrijednosti za radove iz prethodnog stava nakon što Javno preduzeće za prostorno planiranje i uređenje grada “Zenica” d.o.o. Zenica izvrši kontrolu izvedenih radova, a koje na prijedlog resorne službe odobrava Gradonačelnik.

(4) Iznos priznatih sredstava kompenzira se zakupcu na način da se zakupac oslobađa plaćanja osnovice zakupnine uz obavezu plaćanja PDV-a”.

Član 11.

„U članu 33. u stavu (1) alineja 2. iza riječi „ustanove“ dodaju se riječi „i preduzeća“, a alineja 3. se briše.

U istom članu stav (2) se briše.

Član 12.

Iza člana 33. dodaje se novi član 33a. koji glasi:

„(1) Od plaćanja zakupnine mogu se osloboditi:

a) subjekti iz člana 5. stav (2) alineja 3. koji djeluju u oblastima kulture i kulturno-historijskog naslijeđa, zaštite života građana i materijalnih dobara, zaštite životne sredine i prirodnih resursa, razvoja sporta, sportskog turizma, planinarstva i slično, humanitarnog rada, zaštite prava demobilisanih boraca, ratnih vojnih invalida, civilnih žrtava rata i drugih marginalizovanih grupa i ostali subjekti koji djeluju s ciljem promocije i razvoja Grada,

b) vjerske institucije.

(2) Oslobođanje od zakupnine, na zahtjev subjekata iz stava (1), vrši Gradonačelnik na obrazložen prijedlog službe u čijoj nadležnosti je rad tih subjekata.

(3) Subjekti iz člana 5. stav (2) alineja 3. mogu se osloboditi zakupnine ukoliko dostave dokaze o obavljanju svoje registrovane djelatnosti.“

Član 13.

Iza člana 35. dodaje se novi član 35a. koji glasi:

”Tabela iz člana 35. se mijenja i nalazi se u prilogu ove odluke (Prilog 1).”

Član 14.

U članu 37. stav (4) iza riječi “podrumu” dodaje se interpunkcijski znak zarez i riječ “potkrovlju”.

Član 15.

U članu 39. mijenjaju se “Grupe djelatnosti” i glase:

“I GRUPA DJELATNOSTI

1. advokatski i notarski uredi
2. poslovanje nekretninama
3. banke, osiguranja, mikrokreditne i druge finansijske organizacije
4. turističke organizacije
5. hoteli i slični smještaji
6. ugostiteljstvo: restorani, barovi, koktel barovi, pivnice, taverne, kafane, diskoteke
7. zlatarske radnje
8. zdravstvene usluge, apoteke
9. PTT usluge
10. političke organizacije
11. telekomunikacije

II GRUPA DJELATNOSTI

1. trgovine
2. usluge reklame i ekonomske propagande
3. administrativni poslovi
4. upravne zgrade preduzeća i ustanova
5. projektovanje i druge tehničke usluge
6. ugostiteljstvo: kafeterije, slastičarne, restorani brze hrane, buregdžinice, pekare

III GRUPA DJELATNOSTI

1. knjižare
2. skladišta, stovarišta
3. izdavačke i informativne djelatnosti
4. galerije, izložbeni saloni

IV GRUPA DJELATNOSTI

1. zanatstvo
2. proizvodnja
3. obrazovno-odgojne ustanove
4. sportske djelatnosti (fitnes centri, teretane i sl.)

V GRUPA DJELATNOSTI

1. udruženja, fondacije i humanitarne organizacije
2. kreativne, umjetničke, kulturne i druge zabavne djelatnosti”

PRELAZNE I ZAVRŠNE ODREDBE

Član 16.

Javna preduzeća i javne ustanove, čiji je osnivač Grad Zenica, dužni su uskladiti svoje propise o zakupu sa odredbama ove odluke u roku od 30 dana od dana stupanja na snagu ove odluke.

Član 17.

Ugovori o zakupu zaključeni s Gradom Zenica, koji su u suprotnosti s odredbama ove odluke, uskladit će se sa ovom odlukom u roku od šest mjeseci od dana stupanja na snagu iste.

Član 18.

Ova odluka stupa na snagu osmog dana od dana objavljivanja u „Službenim novinama Grada Zenica“.

Broj: 01-45-16711/24
Zenica, 20. 8. 2024. godine

PREDSJEDAVAJUĆI
GRADSKOG VIJEĆA
Mirza Husetić, s.r.

Prilog 1a TABELA ZA IZRAČUNAVANJE VISINE ZAKUPNINE

R. broj	DJELATNOST	EXTRA ZONA	I ZONA	II ZONA	III ZONA	IV ZONA	V ZONA
1	I GRUPA	IZNOS U KM					
	1. advokatski i notarski uredi	18,90	16,10	13,30	10,50	7,70	6,30
	2. poslovanje nekretninama						
	3. banke, osiguranja, mikro kreditne i druge finansijske organizacije						
	4. turističke organizacije						
	5. hoteli i slični smještaji						
	6. ugostiteljstvo: restorani, barovi, koktel barovi, pivnice, taverne, kafane, diskoteke						
	7. zlatarske radnje						
	8. zdravstvene usluge, apoteke						
	9. PTT usluge						
	10. političke organizacije						
	11. telekomunikacije						

R. broj	DJELATNOST	EXTRA ZONA	I ZONA	II ZONA	III ZONA	IV ZONA	V ZONA
2	II GRUPA	IZNOS U KM					
	1. trgovine	10,63	9,00	7,48	5,91	4,33	3,54
	2. usluge reklame i ekonomske propagande						
	3. administrativni poslovi						
	4. upravne zgrade preduzeća i ustanova						
	5. projektovanje i druge tehničke usluge						
	6. ugostiteljstvo: kafeterije, slastičarne, restorani brze hrane, buregdžinice, pekare						

R. broj	DJELATNOST	EXTRA ZONA	I ZONA	II ZONA	III ZONA	IV ZONA	V ZONA
3	III GRUPA	IZNOS U KM					
	1. knjižare 2. skladišta, stovarišta 3. izdavačke i informativne djelatnosti 4. galerije, izložbeni saloni	7,09	6,04	4,99	3,94	2,89	2,36

R. broj	DJELATNOST	EXTRA ZONA	I ZONA	II ZONA	III ZONA	IV ZONA	V ZONA
4	IV GRUPA	IZNOS U KM					
	1. zanatstvo 2. proizvodnja 3. obrazovno-odgojne ustanove 4. sportske djelatnosti (fitnes centri, teretane i sl.)	3,54	3,02	2,49	1,97	1,44	1,18

R. broj	DJELATNOST	EXTRA ZONA	I ZONA	II ZONA	III ZONA	IV ZONA	V ZONA
5	V GRUPA	IZNOS U KM					
	1. udruženja, fondacije i humanitarne organizacije 2. kreativne, umjetničke, kulturne i druge zabavne djelatnosti	1,18	1,01	0,83	0,65	0,48	0,40

106.

Na osnovu člana 13. stav 2. alineja peta Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09) i člana 21. t. 7. Statuta Grada Zenica ("Sl. novine Grada Zenica", br. 5/15), Gradsko vijeće Zenica, na 48. sjednici održanoj 20. 8. 2024. godine, donosi

ODLUKU

o izmjeni i dopuni Odluke o povjeravanju na upravljanje i korištenje dijela parcele u K.O. Gradišće JU "Dom zdravlja" Zenica bez naknade

Član 1.

Član 1. se mijenja i glasi:

Ovom odlukom Grad Zenica povjerava dio parcele označene kao k.č. 893 K.O. Gradišće, u vlasništvu i posjedu Grada Zenica, na upravljanje i korištenje JU "Dom zdravlja" Zenica u površini od 390,00 m², bez naknade, radi obezbjeđenja parking prostora za pacijente ambulante porodične medicine Gradišće, a u skladu sa Elaboratom sanacije pristupne saobraćajnice i uređenja parking prostora za korisnike usluga / pacijente i uposlenike ambulante porodične medicine Gradišće, koji čini sastavni dio ove odluke.

Član 2.

Ova odluka stupa na snagu danom donošenja, a objavit će se u "Službenim novinama Grada Zenica".

Broj: 01-45-16712/24

Zenica, 20. 8. 2024. godine

PREDSJEDAVAJUĆI

GRADSKOG VIJEĆA

Mirza Husetić, s.r.

107.

Na osnovu odredbe člana 10. stav (3) Zakona o cestama Federacije BiH („Službene novine FBiH“, broj 12/10), odredbe člana 21. tačka 2) Statuta Grada Zenica („Službene novine Grada Zenica“, broj 5/15) te odredbe člana 37. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), Gradsko vijeće Zenica na 48. sjednici, održanoj dana 20. 8. 2024. godine, donijelo je sljedeću

O D L U K U

O PROMJENI STATUSA JAVNOG DOBRA

1. Utvrđuje se da je status Javnog dobra izgubila parcela označena kao k.č.n.p. broj: 2335/2, zv. „Krivače“, u naravi „Prilazni put“, površine 450 m², upisana u PL broj 185 KO Gornja Zenica kao posjed DS-Javni putevi sa 1/1 dijela, kojoj parceli po starom premjeru odgovara parcela k.č.s.p. broj: 154/4 nastala od parcele k.č.s.p. broj: 154/1, zv. „Put“, u naravi „Put“, površine 95020 m², upisana u ZK ulošku broj: 2209 KO SP_Gornja Zenica kao Javno dobro iz Iskaza I sa 1/1 dijela.

2. Na osnovu ove odluke Zemljišnoknjižni ured Općinskog suda u Zenici i Služba za imovinsko-pravne, geodetske poslove i katastar nekretnina Grada Zenica izvršit će na nekretnini iz tačke 1. dispozitiva ove odluke promjenu kulture zemljišta, na način što će istu upisati kao građevinsko zemljište, a potom predmetnu parcelu brisati iz postojećeg ZK uloška, odnosno posjedovnog lista i upisati je u novi ZK uložak, odnosno posjedovni list čiji je nosilac prava korištenja, odnosno vlasništva Grad Zenica sa 1/1 dijela.

3. Ova odluka stupa na snagu osmog dana od dana objavljivanja u „Službenim novinama Grada Zenica“.

O b r a z l o ž e n j e

Podneskom od 05.07.2022. godine Službi za imovinsko-pravne, geodetske poslove i katastar nekretnina Grada Zenica obratio se Sifet Baručija iz Zenice sa zahtjevom za pretvorbu dijela zemljišta označenog kao k.č.n.p. broj: 2335 KO Gornja Zenica u građevinsko zemljište, s ciljem rješavanja imovinsko-pravnih odnosa za potrebe legalizacije individualnog stambenog objekta, izgrađenog na parceli k.č.n.p. broj: 1842 KO Gornja Zenica, kojeg je naslijedio od svoga oca, a koji jednim svojim dijelom zalazi na parcelu čija se pretvorba traži.

Prilikom rješavanja po predmetnom zahtjevu utvrđeno je da je parcela k.č.n.p. broj: 2335, zv. „Krivače“, u naravi „Prilazni put“, površine 11117 m², upisana u PL broj 185 KO Gornja Zenica kao posjed DS-Javni putevi sa 1/1 dijela te da istoj parceli po starom premjeru odgovara parcela k.č.s.p. broj: 154/1, zv. „Put“, u naravi „Put“, površine 95020 m², upisana u ZK ulošku broj: 2209 KO SP_Gornja Zenica kao Javno dobro iz Iskaza I sa 1/1 dijela. Također, uvidom u historijat osnova upisa u zemljišnoj knjizi, za navedenu parcelu proizlazi da je ista status Javnog dobra stekla 1908. godine temeljem akta „Verzeichnis uber die gelegentlich der Zehentpauschalierung in der Katastralgemeinde“, zaprimljenog u gruntu dana 25.08.1908. godine pod brojem: G466/08.

Prema Mišljenju Službe za vodoprivredu, putnu infrastrukturu i mjesne zajednice broj: 09-19-11060/22 od 29.09.2022. godine, datog po zahtjevu postupajuće gradske službe, navodi se da je provedenim postupkom utvrđeno da je na dijelu parcele označene kao k.č.n.p. broj: 2335 KO Gornja Zenica izgrađena nerazvrstana cesta za naselje Vražale, kojom upravlja i čije održavanje vrši ista služba. Zatim, da je uviđajem na terenu utvrđeno da na dijelu navedene parcele (od granice s parcelom označenom kao k.č. broj: 1822 KO Gornja Zenica do granice s parcelom označenom kao k.č. broj: 2336 KO Gornja Zenica) ne postoji izgrađena putna komunikacija, odnosno da se navedeni dio površine ne održava, jer je zarastao u travu, drveće i slično, kao i da se ne koristi, te od strane upravitelja ceste ne održava ni kao lokalna niti kao nerazvrstana cesta, sve iz razloga što kroz naselje Vražale postoji izgrađena putna komunikacija preko drugih parcela upisanih kao DS-Javni put. Stoga, navedena služba u svojem mišljenju ocjenjuje da nema smetnji da se za dio predmetne parcele označene kao k.č. broj: 2335 KO Gornja Zenica, koji nije u funkciji ostvarivanja putne komunikacije, izvrši pretvorba u zemljište druge namjene, u površini koja je u interesu Grada Zenica.

Potom je Služba za vodoprivredu, putnu infrastrukturu i mjesne zajednice aktom broj: 09-27-14508/22-ZZ od 09.12.2022. godine upotpunila naprijed dato mišljenje dostavljanjem grafičkog priloga u vezi sa sadržajem istog, s obzirom da je takav prilog zatražila Služba za urbanizam odgovarajući na zahtjev Službe za imovinsko-pravne, geodetske poslove i katastar nekretnina da izrazi svoje mišljenje povodom traženja Sifeta Baručije iz Zenice i to s grafičkim prikazom, na osnovu kojeg bi se potrebito cijepanje parcele moglo pravilno provesti u katastarskom opera-

tu Grada Zenica. Ipak, aktom broj: 03-19-9448/22-1 od 25.12.2023. godine Služba za urbanizam zauzela je stav da će se o mogućnostima izdavanja naknadnog odobrenja za građenje očitovati kada nastupi okolnost promjene statusa Javnog dobra i to nakon provođenja upisa po opredjeljujućoj ispravi, zbog čega je Služba za imovinsko-pravne, geodetske poslove i katastar nekretnina dopisom od 16.01.2024. godine zatražila od iste gradske službe da takav stav preispita, imajući u vidu da se u konkretnom slučaju ne rješava pitanje izdavanja naknadnog odobrenja za građenje već pitanje imovinsko-pravnih odnosa u predmetu promjene statusa Javnog dobra u građevinsko zemljište i to u dijelu parcele, a ne za cijelu parcelu, iz kojih razloga je prethodno neophodno razmotriti mogućnosti formiranja parcele na kojoj Javno dobro ne ostvaruje svoju funkciju.

Preispitujući izneseni stav Služba za urbanizam u svom dopisu broj: 03-19-9448/22-2 od 15.02.2024. godine konstatovala je da Služba za vodoprivredu, putnu infrastrukturu i mjesne zajednice treba preispitati svoj grafički prilog, budući da se uvidom u Izvod iz Konceptije Urbanističkog plana Grada Zenica 2021-2041. godina jasno vidi da se predmetni mikro-lokalitet nalazi u zoni individualnog stanovanja, zbog čega bi uvažavanjem istog grafičkog priloga parcele k.č.n.p. broj: 1843 i k.č.n.p. broj: 1823, obje u KO Gornja Zenica mogle ostati bez prilaznog puta te samim tim vlasnici istih parcela ne bi mogli ishodovati urbanističku i građevinsku saglasnost.

Povodom ovako izraženog mišljenja, rješavajući u konkretnom postupku, Služba za imovinsko-pravne, geodetske poslove i katastar nekretnina pozvala je posjednika parcele k.č.n.p. broj: 1843 KO Gornja Zenica Sifeta Baručiju iz Zenice te vlasnika i posjednika parcele k.č.n.p. broj: 1823 KO Gornja Zenica Mehmeda Alispahića iz Zenice da se davanjem izjave na zapisnik izjasne da li su saglasni s prijedlogom iz grafičkog priloga Službe za vodoprivredu, putnu infrastrukturu i mjesne zajednice.

Uvidom u Zapisnik broj: 04-27-14508/22 od 11.03.2024. godine proizlazi da su se oba navedena lica izjasnila saglasnima s prijedlogom iz grafičkog priloga Službe za vodoprivredu, putnu infrastrukturu i mjesne zajednice izjavljujući da provođenjem istog prijedloga ne bi izgubili pravo na pristupni put sa svojih parcela, jer na iste parcele ostvaruju pristupe s glavne saobraćajnice, u koju se činjenicu službena lica mogu uvjeriti izravnim uvidom na licu mjesta. Radi potrebe utvrđivanja stvarnog vlasništva na par-

celi k.č.n.p. broj: 1843 KO Gornja Zenica Mehmed Alispahić i Vehid Alispahić iz Zenice posvjedočili su da je navedenu parcelu njen upisani posjednik Sifet Baručija naslijedio od svoga oca Latifa Baručije te da im nijedno od lica upisanih u ZK ulošku broj: 1014 KO SP_Gornja Zenica nije poznato iako od rođenja žive na predmetnom lokalitetu.

Ovako sačinjeni zapisnik Služba za imovinsko-pravne, geodetske poslove i katastar nekretnina dostavila je Službi za urbanizam aktom broj: 04-27-14508/22 od 12.03.2024. godine, zajedno sa Identifikacijom parcela po novom i starom premjeru broj: 04-26-10-3019/24 od 22.02.2024. godine, Posjedovnim listom broj 1476 KO Gornja Zenica, Posjedovnim listom broj 36 KO Gornja Zenica, Kopijom katastarskog plana broj 12 KO Gornja Zenica, sve od 22.02.2024. godine te ZK izvacima broj: 1714, 1014 i 811, sve u KO SP_Gornja Zenica od 29.02.2024. godine.

U Mišljenju broj: 03-19-9448/22-4 od 17.07.2024. godine Služba za urbanizam izrazila je sljedeći stav: „Obzirom da se dio parcele k.č. 2335 K.O. Gornja Zenica (DS-Javni put), ne koristi u svrhu putne infrastrukture, te da je Služba za vodoprivredu, putnu infrastrukturu i mjesne zajednice svojim dopisom broj:09-27-14508/22 od 09.12.2022. godine konstatovala da nema smetnje za provođenje postupka gubitka statusa javnog dobra za dio parcele kako je grafički prikazano. Budući da su nosioci stvarnih prava upoznati te saglasni sa navedenim prijedlogom Službe za vodoprivredu, putnu infrastrukturu i mjesne zajednice što je potvrđeno kroz dostavljeni zapisnik Službe za imovinsko-pravne, geodetske poslove i katastar nekretnina broj:04-27-14508/22 od 11.03.2024. godine, Služba za urbanizam konstatuje da je moguće formirati parcelu, na dijelu na kojem javno dobro ne ostvaruje svoju funkciju, kako je predloženo i prikazano na grafičkom prilogu Službe za vodoprivredu, putnu infrastrukturu i mjesne zajednice.“ Uz navedeno mišljenje od 17.07.2024. godine priložen je Grafički prilog s koordinatnim tačkama sačinjen od strane iste službe te potpisan od strane pomoćnice Gradonačelnika kao njenog rukovodioca.

Aktom od 22.07.2024. godine pod djelovodnim brojem iz ovog predmeta Odsjek za imovinsko-pravne poslove uputio je zahtjev prema Odsjeku za geodetske poslove, katastar nekretnina i komunalne uređaje da, shodno pozitivnom mišljenju Službe za urbanizam i dostavljenom grafičkom prilogu, izvrši pripremno cijepanje te da podatke i isprave iz katastarskog operata o novonastaloj parceli učini dostupnima

istom odsjeku, radi pripreme prijedloga odluke iz nadležnosti Gradskog vijeća Zenica. Postupajući po tom zahtjevu Odsjek za geodetske poslove, katastar nekretnina i komunalne uređaje dostavio je Odsjeku za imovinsko-pravne poslove Identifikaciju parcela broj: 04-26-10-11829/24, Izvod iz Posjedovnog lista broj 185 KO Gornja Zenica i Kopiju katastarskog plana broj: 12 KO Gornja Zenica, sve od 26.07.2024. godine. Uvidom u iste isprave proizlazi da je formirana nova parcela k.č.n.p. broj: 2335/2 KO Gornja Zenica, kojoj po starom premjeru odgovara parcela k.č.s.p. broj: 154/4 KO SP_Gornja Zenica, opisana u tački 1. dispozitiva ove odluke.

Odredbama člana 10. Zakona o cestama Federacije BiH propisano je sljedeće: „(1) Dijelovi javne ceste koji nakon izgradnje i rekonstrukcije ne pripadaju novoj trasi ceste mijenjaju, odnosno gube kategoriju javne ceste. (2) Namjena dijelova javne ceste iz stava 1. ovog člana koji će i dalje služiti saobraćaju, kao i priključivanje na novoizgrađenu cestu rješava se projektom dokumentacijom izgradnje i rekonstrukcije predmetne ceste. (3) Odluku o statusu napuštenog dijela ceste iz stava 2. ovog člana za autoceste, brze ceste, magistralne i regionalne ceste donosi nadležno ministarstvo, a za lokalne ceste nadležni gradski, odnosno općinski organ.“

Cijeneći činjenično stanje utvrđeno tokom provođenja predmetnog postupka, svaku činjenicu ponaosob i u vezi s istim činjeničnim stanjem, a naročito da upis Javnog dobra na parceli k.č.n.p. broj: 2335 KO Gornja Zenica datira od 1908. godine iz austrougarske aneksije Bosne i Hercegovine, što nesporno proizlazi uvidom u dokument osnova upisa istog javnog dobra, te da je usljed protoka vremena od 116 godina ono izgubilo svoju funkciju, jer očito nikada nije ni privedeno planiranoj namjeni, kao i da su resorne gradske službe, odnosno Služba za vodoprivredu, putnu infrastrukturu i mjesne zajednice te u konačnici i Služba za urbanizam dale pozitivna mišljenja u dijelu svojih nadležnosti, istovremeno primjenjujući materijalno pravo na tako utvrđeno činjenično stanje, odlučeno je kao u dispozitivu ove odluke.

Ova odluka je konačna u upravnom postupku.

Broj: 01-45-16719/24
Zenica, 20. 8. 2024. godine

PREDSJEDAVAJUĆI
GRADSKOG VIJEĆA

Mirza Husetić, s.r.

108.

Na osnovu člana 8. stav (3) Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 14. stav (1) Zakona o komunalnim djelatnostima ("Službene novine Zeničko-dobojskog kantona", br. 17/08 i 9/11) i člana 21. tačka 2. Statuta Grada Zenica ("Službene novine Grada Zenica", br. 5/15), Gradsko vijeće Zenica na 48. sjednici, održanoj dana 20. 8. 2024. godine, donosi

O D L U K U**o organizaciji i načinu naplate parkiranja na javnim parking površinama****DIO PRVI - OPŠTE ODREDBE****Član 1.
(Predmet)**

Ovom odlukom uređuju se uslovi i način korištenja javnih parkirališta s naplatom, parkiranje za stanare, pravna i fizička lica koja obavljaju samostalnu djelatnost, parking zone, blokovi i cjenovnik usluga, korištenje parkirališta s naplatom bez parking karte, parkiranje osoba s invaliditetom, nadzor i kaznene odredbe.

**Član 2.
(Značenje pojedinih pojmova)**

Pojedini pojmovi upotrijebljeni u ovoj odluci imaju sljedeće značenje:

- a) pod javnim parkiralištem sa naplatom (u daljem tekstu: parkiralište) podrazumijeva se površina namijenjena isključivo za parkiranje vozila sa plaćanjem naknade za korištenje, koja je označena odgovarajućom saobraćajnom signalizacijom, informacijama o parking zoni, cijenama parkiranja i načinu plaćanja,
- b) parking mjesto je dio parkirališta koje je označeno odgovarajućom saobraćajnom signalizacijom,
- c) rezervisano parking mjesto je parking mjesto namijenjeno određenom korisniku koje je označeno odgovarajućom saobraćajnom signalizacijom,
- d) parking zona je dio parkirališta na kojoj je uvedena naplata u određenom dijelu grada,

a na kojoj se zavisno o položaju u gradu određuju naknade i uslovi za parkiranje,

- e) parking blok je dio parking zone koji obuhvata određene ulice u kojima stanari, pravna lica i fizička lica koja obavljaju samostalnu djelatnost imaju pravo parkiranja,
- f) kontrolor je ovlašteno lice davaoca usluga koji vrši nadzor nad parkiranjem vozila na parkiralištu.

DIO DRUGI –USLOVI I NAČIN KORIŠTENJA PARKIRALIŠTA**Član 3.
(Parkiralište)**

Parkiralište je javna površina namijenjena za parkiranje vozila, izgrađena ili uređena za parkiranje vozila izvan kolovoza, kao i za parkiranje vozila na kolovozu ili trotoaru kada to dozvoljavaju uslovi odvijanja saobraćaja sa posebnim režimom korištenja za koju je pribavljena saglasnost Službe za urbanizam na osnovu posebne tehničke dokumentacije koju obezbjeđuje JP „Parking servis“ d.o.o. Zenica (u daljem tekstu: davalac usluga).

**Član 4.
(Davalac usluge)**

- (1) Djelatnost pružanja usluga i održavanja parkirališta povjerava se davaocu usluga.
- (2) Davalac usluge je dužan voditi redovno brigu o parkiralištu i to:
 - a) održavati vertikalnu i horizontalnu saobraćajnu signalizaciju,
 - b) održavati čistoću parkirališta,
 - c) sanirati udarne rupe.
- (3) Davalac usluge nema obavezu čuvanja vozila i ne snosi odgovornost za oštećenje ili krađu vozila.

**Član 5.
(Korisnik usluge)**

- (1) Korisnik usluge je vlasnik vozila koji parkira vozilo na javnom parkiralištu s naplatom, primatelj leasinga kojem je vozilo prepušteno na korištenje na temelju pravnog posla i najmpriamac kojem je osoba koja obavlja registrovanu

djelatnost rent-a-car usluge prepustila vozilo na korištenje na temelju ugovora o najmu.

- (2) Pristupanjem vozila parkiralištu, korisnik usluge prihvata uslove parkiranja propisane ovom odlukom.

Član 6.

(Radno vrijeme)

Radno vrijeme parkirališta je:

- a) radno vrijeme parkirališta s naplatom je od 7,00 do 22,00 sata svakim radnim danom, a subotom od 8,00 do 16,00 sati,
- b) radno vrijeme na parkiralištima zatvorenog tipa je u pravilu od 00,00 do 24,00 sata svakim danom u sedmici, o čemu odlučuje davalac usluge.
- c) Državnim praznicima parking se ne naplaćuje.

Član 7.

(Obilježavanje parkirališta)

- (1) Parkiralište se obilježava horizontalnom i/ili vertikalnom saobraćajnom signalizacijom, u skladu sa propisima o sigurnosti saobraćaja.
- (2) Vertikalna saobraćajna signalizacija sadrži:
 - a) oznaku „P“ (parkiralište) - skraćeni naziv parkirališta i
 - b) dopunsku tablu sa važnim obavještenjima.
- (3) Korisnik usluge je dužan vozilo parkirati u skladu s horizontalnom i/ili vertikalnom signalizacijom, odnosno u skladu sa uputstvom koje mu daje ovlaštena službena osoba davaoca usluge.

Član 8.

(Naknada za parkiranje)

- (1) Na parkiralištu korisnik usluge je dužan platiti parking kartu.
- (2) Parking karta plaćena za zonu u kojoj se plaća viša cijena za korištenje parkinga vrijedi i u zoni u kojoj se plaća niža cijena.

Član 9.

(Parking karta)

- (1) Parking karta izdaje se u materijalizovanom ili nematerijalizovanom obliku.
- (2) Materijalizovana karta izdaje se na papiru, u obliku naljepnice ili drugom odgovarajućem obliku.
- (3) Nematerijalizovana karta izdaje se u elektronskom obliku.
- (4) Izgled i sadržaj parking karte određuje davalac usluge.

Član 10.

(Vrste parking karata)

- (1) Za parkiranje u trajanju kraćem od 24 sata izdaje se satna parking karta.
- (2) Za parkiranje u trajanju od 24 sata izdaje se dnevna parking karta.
- (3) Za parkiranje na parkiralištu može se izdati polumjesečna, mjesečna, polugodišnja ili godišnja parking karta.
- (4) Izdavanje parking karata iz stava (1), (2) i (3) ovog člana ne obavezuje davaoca usluge da za iste obezbijedi kontinuirano slobodno parking mjesto.

Član 11.

(Način plaćanja parking karte)

- (1) Plaćanje parking karte na parkiralištu može da se vrši putem: ovlaštene službene osobe davaoca usluge, poluautomatski, automatski i elektronskim putem.
- (2) Na parkiralištu na kojem se naplata vrši putem automata korisnik usluge količinom ubačenih kovanica u automat određuje dužinu trajanja parkiranja.
- (3) Korisnik usluge može izvršiti plaćanje parkinga putem SMS-a ili bankovne kartice.
- (4) Ukoliko korisnik usluge nije dobio potvrdu o uplati od strane operatera smatra se da plaćanje nije izvršeno.

- (5) Na zatvorenom parkiralištu, na kojem je naplata organizovana putem poluautomatskog odnosno automatskog sistema naplate, korisnik usluge plaća naknadu za parkiranje pri napuštanju parkirališta.
- (6) Naknada iz stava (5) ovog člana se obračunava prema podacima sa ulaznog listića.
- (7) Korisniku usluge parkirališta bez ulaznog listića obračunava se vrijeme od početka radnog vremena parkirališta.

Član 12.

(Način isticanja parking karte)

- (1) Korisnik usluge je dužan istaknuti parking kartu na vidnom mjestu ispod prednjeg vjetrobranskog stakla.
- (2) Izuzetno od stava (1) ovog člana korisnik usluge je dužan, ako se parkiranje plaća elektronskim putem, sačuvati potvrdu kojom je od strane operatera potvrđeno plaćanje parkiranja.
- (3) Po isteku vremena za koje je plaćena naknada za parkiranje korisnik usluge je dužan ukloniti vozilo ili kupiti novu kartu.

DIO TREĆI - PARKIRANJE ZA STANARE, PRAVNA I FIZIČKA LICA KOJA OBAVLJAJU SAMOSTALNU DJELATNOST

Član 13.

(Parking za stanare)

- (1) Korištenje parking mjesta pod povoljnim uslovima može se odobriti za parkiranje stanara zgrada na parkiralištu unutar parking zone i pripadajućih parking blokova na kojima je uvedena naplata parkiranja.
- (2) Licima iz stava (1) ovog člana izdaje se na osnovu zahtjeva parking karta za stanare.
- (3) Uz zahtjev za izdavanje parking karte za stanare, podnosilac na uvid prilaže sljedeće:
 - a) ličnu kartu,
 - b) uvjerenje o prebivalištu - CIPS (ne starije od 6 mjeseci),
 - c) saobraćajnu dozvolu na ime podnosioca zahtjeva.

Član 14.

(Parking za pravno lice i fizičko lice koje obavlja samostalnu djelatnost)

- (1) Korištenje parking mjesta pod povoljnim uslovima može se odobriti za parkiranje pravnom licu i fizičkom licu koje obavlja samostalnu djelatnost na parkiralištu unutar parking zone i pripadajućih parking blokova na kojima je uvedena naplata parkiranja.
- (2) Licima iz stava (1) ovog člana izdaje se na osnovu zahtjeva parking karta za pravno lice i fizičko licu koje obavlja samostalnu djelatnost.
- (3) Uz zahtjev za izdavanje parking karte za pravno lice i fizičko lice koje obavlja samostalnu djelatnost, podnosilac na uvid prilaže sljedeće:
 - a) rješenje o registraciji subjekta, odnosno rješenje o obavljanju djelatnosti,
 - b) saobraćajnu dozvolu za službena vozila,
 - c) dokaz da je vlasnik, odnosno korisnik poslovnog objekta na navedenoj adresi (ovjeren ugovor o vlasništvu, ovjeren ugovor o zakupu).

Član 15.

(Izdavanje parking karte)

- (1) Parking karta iz člana 13. i 14. ove odluke izdaje se nakon izvršenog uvida o ispunjenju uslova i važi samo za parkiralište za koja je izdata.
- (2) Davalac usluge garantuje korisniku usluge iz člana 13. i 14. ove odluke parking mjesto za parkiralište za koje je izdata.
- (3) Korisnik usluga iz člana 13. i 14. ove odluke je obavezan davaocu usluge prijaviti prodaju ili zamjenu vozila ili promjenu registarskih oznaka vozila za koje je izdata parking karta.

DIO ČETVRTI – PARKING ZONE I BLOKVI

Član 16.

(Parking zone)

Parkirališta se razvrstavaju u sljedeće parking zone:

- a) Ekstra parking zona (0) - obilježava se crve-

- nom bojom i obuhvata područje omeđeno ulicama Talića brdo, Bulevar Ezhera Eze Arnautovića, GGM i Školska.
- b) Prva parking zona (I) - obilježava se žutom bojom i obuhvata područje omeđeno ulicama GGM, Štrosmajerova, Armije BiH, Bulevar Ezhera Eze Arnautovića, Bulevar kralja Tvrtka I i Bulevar Kulina bana isključujući područje određeno Ekstra parking zonom.
- c) Druga parking zona (II) - obilježava se plavom bojom i obuhvata preostalo područje grada.

Član 17.

(Parking blokovi)

- (1) Parking zone su sačinjene od sljedećih parking blokova:
- a) 0 (Ekstra) parking zona dijeli se na sljedeće parking blokove:
- Blok 1 – prostor omeđen ulicama Jevrejska, Talića brdo, Mejdandžik, Bulevar Ezhera Eze Arnautovića,
 - Blok 2 – prostor omeđen ulicama Jevrejska, Titova, Zukići i GGM (Branilaca Bosne),
 - Blok 3 – prostor omeđen ulicama GGM, Mejdandžik, Zukići,
 - Blok 4 – prostor omeđen ulicama Safveta bega Bašagića, Titova, GGM (Branilaca Bosne), Bulevar Ezhera Eze Arnautovića,
 - Blok 5 – prostor omeđen ulicama Safveta bega Bašagića, GGM (Branilaca Bosne), Bulevar Ezhera Eze Arnautovića i Školska.
- b) I (prva) parking zona dijeli se na sljedeće parking blokove:
- Blok 6 – prostor omeđen ulicama Školska, GGM (Branilaca Bosne), A.A.Borića i Masarykova,
 - Blok 7 – prostor omeđen ulicama Školska, Bulevar Kulina bana, A.A.Borića i Masarykova i fra Grge Martića,
 - Blok 8 – prostor omeđen ulicama Bulevar
- Kulina bana, A.A.Borića, fra Grge Martića i Bulevar Kralja Tvrtka I,
- Blok 9 - prostor omeđen ulicama GGM, Štrosmajerova, Armije BiH i Uzunovića put,
 - Blok 10 - prostor omeđen ulicama Uzunovića put, Štrosmajerova i Armije BiH,
 - Blok 11 - prostor omeđen ulicama GGM, Londža, Talića brdo i Begagića put,
 - Blok 12 - prostor omeđen ulicama GGM, Londža, Begagića put i Muftije Šemsekadića,
 - Blok 13 - prostor omeđen ulicama GGM, Londža, Muftije Šemsekadića i Mehmeda Spahe,
 - Blok 14 - prostor omeđen ulicama GGM, Londža, Mehmeda Spahe i Bulevar Ezhera Eze Arnautovića,
 - Blok 15 - prostor omeđen ulicama Londža, Bulevar Ezhera Eze Arnautovića, Talića brdo i Vojvodića put,
 - Blok 16 - prostor omeđen ulicama Londža, Bulevar Ezhera Eze Arnautovića, Vojvodića put i Jalijski put,
 - Blok 17 - prostor omeđen ulicama Londža, Bulevar Ezhera Eze Arnautovića i Jalijski put.
- c) II (druga) parking zona dijeli se na sljedeće parking blokove:
- Blok 18 – naselje Radakovo,
 - Blok 19 – naselje Babina Rijeka,
 - Blok 20 – naselje Crkvice između ulice Crkvice i Babine rijeke,
 - Blok 21 – naselje Crkvice između ulice Crkvice i ulice Ivana Gundulića,
 - Blok 22 – naselje Lukovo Polje,
 - Blok 23 – naselje Bilmište,
 - Blok 24 – naselje Nova Zenica između ulica GGM i ulice Juraja Neidharta,

- Blok 25 – naselje Nova Zenica između ulice Juraja Neidharta i Adolfa Goldbergera,
- Blok 26 – naselje Nova Zenica između ulica Adolfa Godlbergera i Saliha Cakana Mulalića,
- Blok 27 – naselje Nova Zenica između ulica Saliha Cakana Mulalića i Bulevara Kralja Tvrtka,
- Blok 28 – naselje Blatuša između ulice Željeznička i Kranjčevićeva,
- Blok 29 – naselje Blatuša između ulice Željeznička i Zije Dizdarevića,
- Blok 30 – naselje Blatuša – između ulica Blatuša i Kranjčevićeva,
- Blok 31 – naselje Blatuša – preostali dio.

DIO PETI - CJENOVNIK USLUGA, PARKING ZA OSOBE SA INVALIDITETOM I IZMJEŠTANJE VOZILA

Član 18.

(Cjenovnik usluga)

Cjenovnik usluga korištenja parkirališta i troškova izmještanja i čuvanja vozila utvrđuje Nadzorni odbor uz saglasnost Gradonačelnika.

Član 19.

(Korištenje parkirališta bez parking karte)

Korištenje parkirališta bez kupljene parking karte, dozvoljeno je u toku interventnih akcija službenim vozilima ministarstva unutrašnjih poslova, hitne pomoći, vatrogasnim vozilima, inspekcijским organima Grada Zenica i vozilima komunalnih preduzeća u vlasništvu Grada Zenica.

Član 20.

(Parking za osobe sa invaliditetom)

- 1) Na parkiralištu izvodi se 5 % +1 pristupačno parking mjesto u odnosu na ukupni broj parking mjesta.
- 2) Na posebno obilježenim mjestima rezervisanim za parkiranje vozila osoba s invaliditetom, parkiranje se vrši bez plaćanja naknade uz isticanje važećeg znaka pristupačnosti.

- 3) Na parkiralištima koja nisu posebno obilježena kao mjesta rezervisana za parkiranje vozila osoba s invaliditetom, osobe s invaliditetom koje na vozilu imaju istaknut važeći znak pristupačnosti imaju pravo parkirati bez plaćanja naknade najduže dva sata tokom jednog dana.
- 4) Osoba s invaliditetom može ostvariti pravo iz stava (3) ovoga člana ako uz važeći znak pristupačnosti istakne i posebnu kartu koju izdaje davalac usluge.
- 5) Izgled i sadržaj naljepnice iz stava (5) ovoga člana određuje davalac usluge.

Član 21.

(Izmještanje vozila)

- 1) Ukoliko korisnik usluge parkira vozilo na mjesto predviđeno za parkiranje stanara, pravnih lica i fizičkih lica koja obavljaju samostalnu djelatnost bez odgovarajuće parking karte, davalac usluge izmješta vozilo korisnika usluge o trošku korisnika usluge.
- 2) Ukoliko korisnik usluge nije parkirao vozilo u skladu sa odredbama člana 7. stav (3) ove odluke vozilo se izmješta o trošku korisnika usluge bez obzira na posjedovanje parking karte.
- 3) Ukoliko je počinitelj prekršaja iz člana 25. ove odluke stranac, vozilo se izmješta o trošku korisnika usluge.

DIO ŠESTI – NADZOR

Član 22.

(Nadzor)

Nadzor nad primjenom ove odluke vrši nadležna gradska Služba za inspekcijske poslove i JP „Parking servis“ d.o.o. Zenica.

DIO SEDMI- KAZNENE ODREDBE

Član 23.

(Prekršaj)

U slučajevima kada ovlašteno lice subjekata iz člana 22. ove odluke utvrdi učinjenje prekršaja, izdaje prekršajni nalog ili podnosi zahtjev za pokretanje prekršajnog postupka nadležnom sudu, u skladu s odredbama Zakona o prekršajima.

Član 24.**(Prekršaj davaoca usluge)**

Novčanom kaznom od 500,00 KM do 1.000,00 KM kaznit će se za prekršaj davalac usluge, a u iznosu od 50,00 KM do 100,00 KM odgovorno lice davaoca usluge ako ne postupi po odredbama člana 4. stav (2) ove odluke.

Član 25.**(Prekršaj korisnika usluge)**

Novčanom kaznom u iznosu od 40,00 KM kaznit će se za prekršaj korisnik usluge, ako:

- nema parking kartu,
- ne istakne parking kartu na vidljivo mjesto u vozilu, u skladu s uputstvima na parking karti,
- prekorači dopušteno vrijeme parkiranja,
- ne prijavi davaocu usluge zamjenu vozila ili promjenu registarskih oznaka vozila za koje je izdata parking karta,
- ne parkira vozilo u skladu s vertikalnom i/ili horizontalnom signalizacijom, odnosno u skladu sa uputstvom koje mu daje ovlaštena službena osoba davaoca usluga.

Član 26.**(Prihod od novčanih kazni)**

Novčane kazne naplaćene po članu 24. i 25. ove odluke su prihod davaoca usluge i koriste se kao namjenska sredstva za unapređenje stacionarnog saobraćaja na teritoriji grada Zenica.

DIO OSMI - ZAVRŠNE ODREDBE**Član 27.****(Prestanak važenja ranijeg propisa)**

Danom početka primjene ove odluke prestaje da važi Odluka o organizaciji i načinu naplate parkiranja ("Službene novine Općine Zenica", broj 6/04).

Član 28.**(Stupanje na snagu)**

Ova odluka stupa na snagu osmog dana od dana objavljivanja u Službenim novinama Grada Zenica, a primjenjivat će se od dana kada davalac usluge dobije

potrebnu saglasnost od strane Federalnog ministarstva pravde i rješenje Agencije za identifikacione dokumente, evidencije i razmjenu podataka (IDDEEA).

Broj: 01-45-16715/24
Zenica, 20. 8. 2024. godine

PREDSJEDAVAJUĆI
GRADSKOG VIJEĆA
Mirza Husetić, s.r.

109.

Na osnovu člana 13. stav (2) alineja peti Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09) i člana 21. tačka 7. Statuta Grada Zenica ("Službene novine Grada Zenica", br. 5/15), Gradsko vijeće Zenica na 48. sjednici, održanoj dana 20. 8. 2024. godine, donosi

ODLUKU**o povjeravanju postojećeg parkinga u naselju
Jalija, te dijela zelenih površina na kojim će
biti formiran novi parking na upravljanje,
korištenje, unapređenje i održavanje JP
„Parking servis“ d.o.o. Zenica****Član 1.**

Ovom odlukom Grada Zenica povjerava se JP „Parking servis“ d.o.o. Zenica, a u skladu sa Elaborem, koji čini sastavni dio ove odluke, zemljište na parcelama označenim kao k.č.n.p. 896/1 i 1130/1 k.o. Zenica II za formiranje, upravljanje, korištenje, unapređenje i održavanje parking prostora, bez naknade.

Član 2.

Postojeći parking prostori će biti sanirani i prilagođeni za savremeni način parkiranja, uz uređenje postojećih parkirališta, a na dijelu preuzete parcele će biti izgrađen novi parking za korisnike usluga parkiranja.

Član 3.

Sastavni dio ove odluke je Elaborat uređenja stacionarnog saobraćaja na lokaciji MZ „Jalija“ od maja 2024. godine, pripremljen od strane JP „Parking servis“ d.o.o. Zenica, u kojem je definisana organizacija stacionarnog saobraćaja, broj i postavka postojećih parking mjesta koja će se urediti, lokacija, postavka i broj novih parking mjesta koja će se izgraditi.

Član 4.

Postojeći parking koji će biti saniran i uređen, kao i novi parking koji će biti izgrađen, namijenjeni su prvenstveno za stanare okolnih višestambenih objekata.

Planiranim uređenjem, tj. sanacijom postojećih i izgradnjom novih parking površina ukupan broj parking mjesta na području MZ „Jalija“ bi bio 562 PM, od toga 480 PM bi bilo predviđeno za rezervisana parking mjesta za stanare navedene lokacije, a 82 PM bi se koristila za platežni parking.

Od ukupno navedenog broja parking mjesta 28 parking mjesta će biti obezbijedeno za osobe sa invaliditetom.

Trenutno od ukupne površine predmetnog obuhvata MZ „Jalija“ zelene površine zauzimaju 25.124,27 m². Implementacijom projekta doći će do umanjenja ukupne površine i nova površina koju zauzimaju zelene površine će iznositi 22.302,86 m², tj. JP „Parking servis“ d.o.o. Zenica se ustupa zelena površina od 2.821,41 m² za potrebe izgradnje parking prostora.

Član 5.

Sva pitanja vezana za finansiranje projekta saniranja, uređenja postojećih i izgradnje novih parkinga, uključujući pripremu neophodne tehničke dokumentacije, prikupljanje dozvola i saglasnosti, izvođenje radova, nadzor nad izgradnjom, uređenjem, upravljanjem i održavanjem parkinga iz člana 3. ove odluke, bit će definisana posebnim sporazumom između Grada Zenica i JP “Parking servis” d.o.o. Zenica, a na osnovu ove odluke.

Član 6.

Parking prostori na kojima će biti organizovan stacionarni saobraćaj u skladu sa Elaboratom iz člana 3. ove odluke, JP “Parking servis” d.o.o. Zenica će preuzeti u posjed, na upravljanje, korištenje, uređenje i održavanje, u cilju unapređenja organizacije stacionarnog saobraćaja u ovom dijelu grada, gdje postoji manjak parking prostora.

Član 7.

Nosilac svih aktivnosti na realizaciji Projekta obrađenog u Elaboratu od maja 2024. godine, s pripadajućim parkingom i izgradnjom novog parkinga, iz člana 3. ove odluke, je JP “Parking servis” d.o.o. Zenica.

Član 8.

JP “Parking servis” d.o.o. Zenica obavezuje se da upravljanje, korištenje, uređenje i održavanje parkinga, na kojima će biti organizovan stacionarni saobraćaj, u skladu sa Elaboratom iz člana 3. ove odluke, obavlja s pažnjom dobrog domaćina.

Član 9.

Za realizaciju ove odluke zadužuju se JP “Parking servis” d.o.o. Zenica i resorne službe Grada Zenica.

Član 10.

Ova odluka stupa na snagu danom donošenja, a objavit će se u “Službenim novinama Grada Zenica”.

Broj: 01-45-16718/24
Zenica, 20. 8. 2024. godine

PREDSJEDAVAJUĆI
GRADSKOG VIJEĆA

Mirza Husetić, s.r.

110.

Na osnovu člana 13. stav (2) alineja 9. Zakona o principima lokalne samouprave (“Službene novine Federacije Bosne i Hercegovine“, br. 49/06 i 51/09), člana 21. tačka 11. Statuta Grada Zenica (“Službene novine Grada Zenica“, broj 5/15), Gradsko vijeće Grada Zenica na 48. sjednici održanoj dana 20. 8. 2024. godine donosi

ODLUKU**o kriterijima i postupku za određivanje naziva ulica, bulevara, trgova, mostova i parkova na teritoriji grada Zenica****Član 1.****(Predmet)**

Ovom odlukom se utvrđuju načela, kriteriji, postupak i način davanja i izmjene naziva ulica, bulevara, trgova, mostova i parkova na teritoriji grada Zenica (u daljem tekstu: Odluka).

Član 2.**(Ovlašteni predlagači)**

Inicijativu za davanje ili izmjenu naziva ulica, bulevara, trgova, mostova i parkova (u daljem tekstu: Inicijativa) mogu podnijeti:

- a) gradonačelnik,
- b) vijećnici Gradskog vijeća,
- c) savjeti mjesnih zajednica sa minimalno 50 potpisa građana s područja te mjesne zajednice,
- d) javne ustanove,
- e) organizacije civilnog društva sa minimalno 50 potpisa članova određene organizacije.

Član 3.

(Sadržaj inicijative)

(1) Inicijativa se podnosi u pisanom obliku na propisanom obrascu koji sadrži sljedeće podatke:

- a) postojeći naziv,
- b) prijedlog novog naziva,
- c) detaljno obrazloženje sa razlozima za davanje ili izmjenu naziva,
- d) tekstualan opis sa osnovnim podacima o lokaciji i graničnim tačkama ulice, bulevara, trga, mosta ili parka,
- e) izjavu da inicijativa ne sadrži nacionalističku, nacističku i fašističku ideologiju.

(2) Obrazac iz stava (1) ovog člana je sastavni dio Odluke.

Član 4.

(Inicijativa koja se odnosi na ime osobe)

(1) Inicijativa koja se odnosi na ime neke osobe sadržava osnovne biografske podatke i one podatke koji se odnose na doprinos navedene osobe razvoju grada Zenica i Bosne i Hercegovine.

(2) Ulica, bulevar, trg, most ili park ne može dobiti naziv po imenu žive osobe, niti po imenu osobe koja je osuđena od strane bilo kojeg međunarodnog ili domaćeg suda za zločin genocida, zločine protiv čovječnosti ili ratne zločine.

Član 5.

(Dostavljanje inicijative nadležnom organu)

(1) Inicijativa iz člana 3. ove odluke upućuje se predsjedavajućem Gradskog vijeća koji je dostavlja Komisiji za određivanje naziva ulica, bulevara, trgova, mostova i parkova (u daljem tekstu: Komisija).

(2) Komisiju u sastavu od 11 članova iz oblasti kulture, akademske zajednice, nacionalnih kulturnih društava i foruma građana imenuje Gradonačelnik, na mandatni period u trajanju od četiri godine.

Član 6.

(Nepotpune inicijative)

Inicijativa koja nije podnesena u skladu sa odredbama člana 3. i 9. ove odluke ne uzima se u razmatranje.

Član 7.

(Rad Komisije)

(1) Prilikom razmatranja inicijative Komisija ocjenjuje kvalitet predloženog naziva i njegovu sadržajnost.

(2) Kvalitet predloženog naziva ogleda se u liku i djelu te osobe i njenom neposrednom i posrednom uticaju na prošlost, sadašnjost i budućnost grada Zenica i Bosne i Hercegovine.

(3) Sadržajnost prijedloga ogleda se u uvažavanju zastupljenosti naziva iz starije i novije historije grada Zenice, odnosno Bosne i Hercegovine te potrebe očuvanja bitnih vrijednosti demokratskog društva.

Član 8.

(Načela za razmatranje inicijative)

Načela za davanje i izmjenu naziva ulica, bulevara, trgova, mostova i parkova su sljedeća:

- a) uvažavanje izvornih rješenja naziva ulica, bulevara, trgova, mostova i parkova iz vremena kada su izgrađeni, kao i naziva koji su tokom historije postali dio svijesti i tradicije građana,
- b) uvažavanje potreba grupisanja imena ulica, bulevara i trgova radi kvalitetne orijentacije,
- c) poštovanje principa zadržavanja naziva ulica, bulevara, trgova, mostova i parkova koji imaju kontinuitet takvih naziva,
- d) nepotrebno mijenjanje naziva više puta,
- e) upotreba što kraćih naziva kako bi odgovarali programima za izdavanje identifikacionih dokumenata građana,

- f) osiguranje zastupljenosti naziva iz svih perioda historije Grada Zenice i Bosne i Hercegovine,
- g) osiguranje zastupljenosti pripadnika svih naroda Grada Zenice i Bosne i Hercegovine.

Član 9. (Kriteriji)

Kriteriji za dodjelu ili izmjenu naziva ulica, bulevara, trgova, mostova i parkova određuju se po:

- a) geografskim pojmovima (grad, rijeka, toponim i slično),
- b) datumima vezanim za značajne događaje iz historije grada Zenica i Bosne i Hercegovine,
- c) imenima osoba koje su dale značajan doprinos u historiji grada Zenica i Bosni i Hercegovini,
- d) nazivima formacija, njihovim rukovodiocima ili istaknutim pojedincima u organizovanju borbe protiv okupatora i njegovih saradnika u periodu od 1941. do 1945. godine, kao i organizovanju tokom perioda odbrambeno-oslobodilačkog rata od 1992. do 1995. godine,
- e) imenima osoba koje su dale svoj doprinos u kulturnom, privrednom, društvenom, sportskom i naučnom razvoju grada Zenica i Bosne i Hercegovine (osvojene nagrade),
- f) ranijem historijskom nazivu.

Član 10. (Mišljenje drugih organa)

(1) Prilikom razmatranja inicijative Komisija obavezno pribavlja:

- a) mišljenje savjeta mjesne zajednice, ukoliko isti nije podnosilac inicijative, sa područja gdje je potrebno dati ili izmijeniti naziv,
- b) mišljenje udruženja boraca na čiji se naziv formacije, rukovodioca ili istaknutog pojedinca inicijativa odnosi, ukoliko se radi o davanju naziva u skladu sa kriterijima iz člana 9. tačka d) Odluke,
- c) saglasnost porodice, ako postoji, ukoliko se

radi o davanju naziva u skladu sa kriterijima iz člana 4. Odluke.

(2) U proceduri razmatranja inicijative Komisija može tražiti i mišljenja od stručnih ustanova i institucija za određene oblasti.

Član 11. (Odluka o davanju ili izmjeni naziva)

(1) Komisija razmatra inicijativu i svoj stav dostavlja Gradskom vijeću u roku od 30 dana.

(2) Gradsko vijeće dvotrećinskom većinom donosi zaključak kojim se inicijativa prihvata ili odbija i određuje način pripreme i nosioce izrade akta.

(3) Zaključak iz stava (2) ovog člana se dostavlja podnosiocu inicijative.

Član 12. (Vremensko ograničenje)

Naziv dodijeljen ili izmijenjen u skladu sa odredbama ove odluke ne može biti izmijenjen najmanje u periodu od 20 godina od dana utvrđivanja naziva.

Član 13. (Registar naziva ulica, bulevara, trgova, mostova i parkova)

(1) Za teritorij grada Zenice se vodi Registar naziva ulica, bulevara, trgova, mostova i parkova (u daljem tekstu: Registar).

(2) Registar je službena evidencija o nazivima ulica, bulevara, trgova, mostova i parkova u upotrebi koji vodi nadležna gradska služba.

(3) Služba iz stava (2) ovog člana je dužna izraditi Registar u roku od 6 mjeseci od dana stupanja na snagu ove odluke.

(4) Nazivi ulica, bulevara, trgova, mostova i parkova ne mogu se mijenjati do objave Registra.

Član 14. (Stupanje na snagu)

Ova odluka stupa na snagu osmog dana od dana objave u "Službenim novinama Grada Zenica".

Broj: 01-45-16717/24
Zenica, 20. 8. 2024. godine

PREDSJEDAVALA
GRADSKOG VIJEĆA
Mirza Husetić, s.r.

Prilog 1.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
KOMISIJA ZA ODREĐIVANJE NAZIVA ULICA,
BULEVARA, TRGOVA, MOSTOVA I PARKOVA**

Podnosilac inicijative

Adresa prebivališta / sjedište

Broj telefona

Na osnovu člana 2. Odluke o kriterijima i postupku određivanja naziva ulica, bulevara, trgova, parkova i mostova na teritoriji grada Zenica ("Službene novine Grada Zenica", broj _/24 - u daljem tekstu: Odluka), podnosim

**INICIJATIVU ZA DAVANJE I IZMJENU NAZIVA ULICA, BULEVARA, TRGOVA,
PARKOVA I MOSTOVA NA TERITORIJI GRADA ZENICA**

Postojeći naziv	
Prijedlog novog naziva	
Detaljno obrazloženje sa razlozima za davanje ili izmjenu naziva	
Tekstualan opis sa osnovnim podacima o lokaciji i graničnim tačkama ulice, bulevara, trga, mosta ili parka	
Izvori podataka	

Uz popunjen obrazac je potrebno dostaviti i sljedeću dokumentaciju:

- izjavu iz člana 3. stava (1) tačke e) Odluke da inicijativa ne sadrži nacionalističku i fašističku ideologiju ovjerenu od strane nadležnog organa,
- spisak od 50 potpisa građana mjesne zajednice, odnosno članova organizacije civilnog društva ukoliko inicijativu podnose ovlašteni predlagači iz člana 2. tačka c) ili e) Odluke.

Zenica, _____ godine

POTPIS PODNOSIOCA INICIJATIVE

111.

Na osnovu člana 47. stav (2) Zakona o prostornom uređenju i građenju („Službene novine Zeničko-dobojskog kantona“, broj 17/23) i člana 21. tačka 2. i tačka 5. Statuta Grada Zenica („Službene novine Grada Zenica“, broj 5/15), Gradsko vijeće Zenica na 48. sjednici održanoj dana 20. 8. 2024. godine, donijelo je

ODLUKU**o izmjeni i dopuni Odluke o provođenju Prostornog plana grada Zenica za period 2016.-2036. godine****Član 1.****(Predmet)**

Ovom odlukom vrše se izmjene i dopune Odluke o provođenju Prostornog plana grada Zenica za period 2016.-2036. godine („Službene novine Grada Zenice“, broj 1a/18) (u daljnjem tekstu - Odluka).

Član 2.**(Dodavanje novog člana)**

Iza člana 81. dodaje se novi član 81a. koji glasi:

„Član 81a.

- 1) Za područja na kojima nije usvojen urbanistički i regulacioni plan, izuzetno od uslova propisanih članom 81. ove Odluke moguće je građenje uz prethodnu saglasnost Gradskog Vijeća, a na prijedlog Statutom i Poslovníkom propisanih predlagača.
- 2) Ovo se posebno odnosi na stambene objekte kolektivnog stanovanja na područjima gdje je moguće širenje i urbanizacija grada, kao i rješavanje drugih specifičnosti koji mogu osigurati poboljšanje ekonomske isplativosti i ekonomičnosti iskorištenja prostora.“

Član 3.**(Važenje osnovnog teksta Odluke)**

Odluka o provođenju Prostornog plana grada Zenica za period 2016.-2036. godine („Službene novine Grada Zenice“, broj 1a/18), u ostalom dijelu ostaje neizmijenjena.

Član 4.**(Stupanje na snagu)**

Ova odluka stupa na snagu osmog dana od dana objavljivanja u „Službenim novinama Grada Zenica“.

Broj: 01-45-16848/24

Zenica, 20. 8. 2024. godine

PREDSJEDAVAJUĆI
GRADSKOG VIJEĆA

Mirza Husetić, s.r.

GRADONAČELNIK

112.

Na osnovu člana 59. Zakona o budžetima u FBiH („Službene novine FBiH“, broj 102/13, 9/14, 13/14, 8/15, 9/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica“, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica“, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe civilne zaštite, Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu („Službene novine Grada Zenica“, broj 1/24) na organizacionom kodu 60010001 – Služba civilne zaštite.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613700, funkcija 0323, budžetska pozicija 229 - “Izdaci za tekuće održavanje” za iznos od 445.000,00 KM i

Formira se nova budžetska pozicija:

- ekonomski kod 821600, funkcija 0323, budžetska pozicija 232A - “Rekonstrukcija

i investiciono održavanje” u iznosu od 445.000,00 KM.

III

Za realizaciju ovog Zaključka zadužuju se Služba civilne zaštite i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-40-13093/24

Zenica, 05.07.2024. godine

GRADONAČELNIK

Fuad Kasumović, s.r.

113.

Na osnovu člana 59. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za socijalnu zaštitu, stambene poslove i društvene djelatnosti Gradonačelnik Zenice donosi

ZAKLJUČAK

o preraspodjeli sredstava u Budžetu Grada Zenica za 2024. godinu

I

Odobrava se preraspodjela sredstava Budžeta Grada Zenica za 2024. godinu („Službene novine Grada Zenica”, broj 1/24) na organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 614200, funkcija 1099, budžetska pozicija 123B - “Transferi

pojedincima – realizacija podrške sistema prihvata i integracije bh državljana koji se vraćaju po osnovu sporazuma o readmisiji - BiH” za iznos od 18.000,00 KM.

Formira se nova budžetska pozicija:

- ekonomski kod 614300, funkcija 1098, budžetska pozicija 147A - “Transferi neprofitnim organizacijama - realizacija podrške sistema prihvata i integracije bh državljana koji se vraćaju po osnovu sporazuma o readmisiji - BiH” u iznosu od 18.000,00 KM.

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-11-13023/24

Zenica, 09.07.2024. godine

GRADONAČELNIK

Fuad Kasumović, s.r.

114.

Na osnovu člana 34. Statuta Grada Zenica (“Službene novine Grada Zenica”, broj 5/15), člana 19. Odluke o izvršavanju Budžeta Grada Zenica za 2024. godinu (“Službene novine Grada Zenica”, broj 1/24), Odluke o odobravanju sredstava za finansiranje/sufinansiranje rada javnih kuhinja iz sredstava Budžeta Zeničko-dobojskog kantona predviđenih za 2024. godinu, broj: 02-11-9519/24 od 17.05.2024. godine, na prijedlog Službe za socijalnu zaštitu, stambene poslove i društvene djelatnosti, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2024. godinu

I

Odobrava se uvećanje sredstava u Budžetu Grada Zenica za 2024. godinu (“Službene novine Grada Zenica”, broj 1/24) u iznosu od 100.000,00 KM na

organizacionom kodu 59010001 – Služba za socijalnu zaštitu, stambene poslove i društvene djelatnosti.

II

Uvećanje sredstava u Budžetu Grada Zenica za 2024. godinu iz tačke I vrši se na sljedeći način:

a) u dijelu A - 2 PRIHODI I PRIMICI:

- formira se nova budžetska pozicija 80A - "Tekući transfer od kantona za sufinansiranje rada gradske kuhinje", ekonomski kod 732114, u iznosu od 100.000,00 KM.

Nakon uvećanja UKUPNO PRIHODI I PRIMICI BUDŽETA iznose 109.245.059,17 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 119.184.934,96 KM.

b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:

- na organizacionom kodu 59010001 – Služba za socijalnu zaštitu, stambene poslove i društvene djelatnosti, formira se nova budžetska pozicija 126A - "Transfer JU Dom-porodica Zenica za sufinansiranje rada gradske kuhinje - kanton", ekonomski kod 614300, funkcija 1096, u iznosu od 100.000,00 KM.

Nakon uvećanja UKUPNO RASHODI I IZDACI BUDŽETA iznose 109.245.059,17 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 119.184.934,96 KM.

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-14374/24
Zenica, 30.07.2024. godine

GRADONAČELNIK
Fuad Kasumović, s.r.

115.

Na osnovu člana 59. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, po zahtjevu Gradske izborne komisije Zenica, broj: 01-250/24 od 10.07.2024. godine, a u vezi sa Odlukom Centralne izborne komisije BiH o naknadi za rad u biračkim odborima na provođenju Lokalnih izbora 2024. godine – prečišćeni tekst, broj: 07-2-50-4-624-4/24 od 06.06.2024. godine, Gradonačelnik Zenice donosi

ZAKLJUČAK

o preraspodjeli sredstava između budžetskih korisnika u Budžetu Grada Zenica za 2024. godinu

I

Odobrava se preraspodjela sredstava između budžetskih korisnika u okviru odobrenog Budžeta Grada Zenica za 2024. godinu („Službene novine Grada Zenica”, broj 1/24), sa organizacionog koda 51010001 – Gradonačelnik, na organizacioni kod 53010001 – Stručna služba Gradskog vijeća.

II

Preraspodjela sredstava iz tačke I vrši se na sljedeći način:

Umanjuju se sredstva na:

- organizacionom kodu 51010001 – Gradonačelnik, ekonomski kod 613900, funkcija 0624, budžetska pozicija 11 - "Izrada glavnog projekta rekonstrukcije zgrade gradske uprave" za iznos od 100.000,00 KM.

Povećavaju se sredstva na:

- organizacionom kodu 53010001 – Stručna služba Gradskog vijeća, ekonomski kod 613900, funkcija 0114, budžetska pozicija 34 - "Finansiranje rada gradske izborne komisije" za iznos od 100.000,00 KM.

III

Za realizaciju ovog Zaključka zadužuju se Stručna služba Gradskog vijeća i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-11-14597/24
Zenica, 30.07.2024. godine

GRADONAČELNIK
Fuad Kasumović, s.r.

116.

Na osnovu člana 60. i 61. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15) i člana 23. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2024. godinu Sportskom udruženju „Neimari” Zenica, u iznosu od 4.000,00 KM, u svrhu sufinansiranja „Malonogometnog turnira Zenica Futsal Cup 2024” koji će se održati u MZ Perin Han.

II

Sredstva iz tačke I izdvajaju se iz „Tekuće budžetske rezerve” Budžeta Grada Zenica za 2024. godinu, a u svrhu obezbjeđenja nedostajućih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 614300 – tekući transferi neprofitnim organizacijama, funkcija 0811.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Sportskog udruženja „Neimari” Zenica, broj: 161-000-02263200-23 otvoren u Raiffeisen banci.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-11-14934/24
Zenica, 06.08.2024. godine

GRADONAČELNIK
Fuad Kasumović, s.r.

117.

Na osnovu člana 59. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19 i 25a/22), člana 34. Statuta Grada Zenica („Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za socijalnu zaštitu, stambene poslove i društvene djelatnosti, Gradonačelnik Zenice donosi:

ZAKLJUČAK**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu („Službene novine Grada Zenica”, broj 1/24), na organizacionom kodu 59010001 – Službe za socijalnu zaštitu, stambene poslove i društvene djelatnosti.

II

Preraspodjela sredstava iz tačke I vrši se na sljedeći način:

Umanjuje se:

ekonomski kod 614300, funkcija 0812, budžetska pozicija 135 - „Program i projekti iz oblasti sporta” za iznos od 20.000,00 KM

Uvećava se:

ekonomski kod 614300, funkcija 0822, budžetska pozicija 134 - "Program i projekti iz oblasti kulture" za iznos od 20.000,00 KM

III

Za realizaciju ovog Zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-11-13023/24-1
Zenica, 07.08.2024. godine

GRADONAČELNIK
Fuad Kasumović, s.r.

118.

Na osnovu člana 59. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za imovinsko-pravne, geodetske poslove i katastar nekretnina, Gradonačelnik Zenice donosi

ZAKLJUČAK**o preraspodjeli sredstava između budžetskih korisnika u Budžetu Grada Zenica za 2024. godinu****I**

Odobrava se preraspodjela sredstava između budžetskih korisnika u okviru odobrenog Budžeta Grada Zenica za 2024. godinu („Službene novine Grada Zenica”, broj 1/24), sa organizacionog koda 51010001 – Gradonačelnik, na organizacioni kod 56010001– Služba za imovinsko-pravne, geodetske poslove i katastar nekretnina.

II

Preraspodjela sredstava iz tačke I vrši se na sljedeći način:

Umanjuju se sredstva na:

- organizacionom kodu 51010001 – Gradonačelnik, ekonomski kod 613900, funkcija 0622, budžetska pozicija 9 - "Izrada projektne dokumentacije za vezne saobraćajnice prema Peharama, ulici Ivana Gundulića i vezi prema Smetovima, te naselju Makovi" za iznos od 45.000,00 KM.

Povećavaju se sredstva na:

- organizacionom kodu 56010001– Služba za imovinsko-pravne, geodetske poslove i katastar nekretnina, ekonomski kod 613900, funkcija 0622, budžetska pozicija 63 - "Troškovi imovinsko-pravnih odnosa i sl." za iznos od 45.000,00 KM.

III

Za realizaciju ovog Zaključka zadužuju se Služba za imovinsko-pravne, geodetske poslove i katastar nekretnina i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-11-15194/24
Zenica, 13.08.2024. godine

GRADONAČELNIK
Fuad Kasumović, s.r.

119.

Na osnovu člana 60. i 61. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15) i člana 23. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2024. godinu Udruženju "Centar u zajednici" Orahovica, u iznosu od 5.000,00 KM, u svrhu sufinansiranja izgradnje mesdžida i šardrvanskog naselja na lokaciji Pašinac – Vesela Bukva.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2024. godinu, a u svrhu obezbjeđenja neplaniranih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 615300 – kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Udruženja "Centar u zajednici" Orahovica, broj: 186-161-0310644141 otvoren u ZiraatBank Sarajevo.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-15616/24

Zenica, 14.08.2024. godine

GRADONAČELNIK
Fuad Kasumović, s.r.

120.

Na osnovu člana 59. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za privredu, gradsku imovinu i upravljanje razvojem, Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2024. godinu****I**

Odobrava se preraspodjela sredstava Budžeta Grada Zenica za 2024. godinu („Službene novine Grada Zenica”, broj 1/24) na organizacionom kodu 58010001 – Služba za privredu, gradsku imovinu i upravljanje razvojem.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 614300, funkcija 0481, budžetska pozicija 92 - "Transferi neprofitnim organizacijama - udruženja" za iznos od 10.000,00 KM.

Povećava se:

- ekonomski kod 613900, funkcija 0492, budžetska pozicija 88 - "Izrada projektne dokumentacije i troškovi nadzora" za iznos od 10.000,00 KM.

III

Za realizaciju ovog Zaključka zadužuju se Služba za privredu, gradsku imovinu i upravljanje razvojem i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-45-15517/24
Zenica, 16.08.2024. godine

GRADONAČELNIK
Fuad Kasumović, s.r.

121.

Na osnovu člana 34. Statuta Grada Zenica ("Službene novine Grada Zenica", broj 5/15) i člana 19. Odluke o izvršavanju Budžeta Grada Zenica za 2024. godinu ("Službene novine Grada Zenica", broj 1/24), Ugovora o regulisanju međusobnih obaveza i načina realizacije odobrenih sredstava namijenjenih subvencioniranju dijela troškova organizacije manifestacija i privrednih sajmova u 2024. godini, broj 02-30-14260/24 od 24.07.2024. godine, na prijedlog Službe za finansije i Službe za privredu, gradsku imovinu i upravljanje razvojem, Gradonačelnik Zenice donosi

ZAKLJUČAK

o uvećanju sredstava u Budžetu Grada Zenica za 2024. godinu

I

Odobrava se uvećanje sredstava u Budžetu Grada Zenica za 2024. godinu ("Službene novine Grada Zenica", broj 1/24) u iznosu od 10.000,00 KM na organizacionom kodu 58010001 – Služba za privredu, gradsku imovinu i upravljanje razvojem.

II

Uvećanje sredstava u Budžetu Grada Zenica za 2024. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
- formira se nova budžetska pozicija 81A - "Tekući transfer od kantona za subvencioniranje dijela troškova organizacije privrednog sajma ZEPS", ekonomski kod 732114, u iznosu od 10.000,00 KM.

Nakon uvećanja UKUPNO PRIHODI I PRIMICI BUDŽETA iznose 109.255.059,17 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 119.194.934,96 KM.

- b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:
- na organizacionom kodu 58010001 – Služba za privredu, gradsku imovinu i upravljanje

razvojem, formira se nova budžetska pozicija 95A - "Transfer Agenciji ZEDA za subvencioniranje dijela troškova organizacije privrednog sajma ZEPS - kanton", ekonomski kod 614400, funkcija 0494, u iznosu od 10.000,00 KM.

Nakon uvećanja UKUPNO RASHODI I IZDACI BUDŽETA iznose 109.255.059,17 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 119.194.934,96 KM.

III

Za realizaciju ovog Zaključka zadužuju se Služba za privredu, gradsku imovinu i upravljanje razvojem i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-15902/24
Zenica, 21.08.2024. godine

GRADONAČELNIK
Fuad Kasumović, s.r.

122.

Na osnovu člana 59. Zakona o budžetima u FBiH („Službene novine FBiH”, broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica („Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu („Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, Gradonačelnik Zenice donosi

ZAKLJUČAK

o preraspodjeli sredstava u Budžetu Grada Zenica za 2024. godinu

I

Odobrava se preraspodjela sredstava Budžeta Grada Zenica za 2024. godinu („Službene novine Grada Zenica”, broj 1/24) na organizacionom kodu 51010001 – Gradonačelnik.

II

Preraspodjela sredstava iz tačke I vrši se na sljedeći način:

Umanjuje se:

- ekonomski kod 613900, funkcija 0628, budžetska pozicija 8 - "Izrada projektne dokumentacije za vezne saobraćajnice prema Peharama i ulici Ivana Gundulića, sa kružnom raskrsnicom u sklopu petlje Blatuša" za iznos od 60.000,00 KM i

Formira se nova budžetska pozicija:

- ekonomski kod 614200, funkcija 1091, budžetska pozicija 12A - "Tekući transferi pojedincima – interventna pomoć uposlenicima Rudnika mrkog uglja "Zenica" d.o.o. Zenica" u iznosu od 60.000,00 KM.

III

Za realizaciju ovog Zaključka zadužuju se Gradonačelnik i Služba za finansije.

IV

Ovaj Zaključak stupa na snagu danom donošenja, a objavit će se u „Službenim novinama Grada Zenica”.

Broj: 02-11-16319/24

Zenica, 22.08.2024. godine

GRADONAČELNIK
Fuad Kasumović, s.r.

123.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 34. tačka 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica donosi

R J E Š E N J E**o imenovanju člana Nadzornog odbora
Zeničke razvojne agencije ZEDA d.o.o.
Zenica****I**

Za člana Nadzornog odbora Zeničke razvojne agencije ZEDA d.o.o. Zenica imenuje se:

- Amra Mehmedić, diplomirani ekonomista.

II

Imenovanje člana Nadzornog odbora iz tačke I ovog rješenja vrši se na period do isteka četverogodišnjeg mandata Nadzornog odbora Zeničke razvojne agencije ZEDA d.o.o. Zenica imenovanog Rješenjem broj: 02-45-13765/21 od 12.07.2021. godine.

III

Ovo rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-16270/24

Zenica, 20.08.2024. godine

GRADONAČELNIK
Fuad Kasumović, s.r.

124.

Na osnovu člana 10. tačka 4. Zakona o udruženjima i fondacijama ("Službene novine Federacije BiH", broj 45/02) i člana 34. tačka 6. Statuta Grada Zenica ("Službene novine Grada Zenica", broj 5/15), Gradonačelnik Grada Zenice, donosi

ZAKLJUČAK**o odobravanju unošenja naziva grada Zenica
u naziv udruženja****I**

Odobrava se Udruženju onkoloških pacijenata "SNOP" Zenica unošenje naziva grada Zenica u naziv Udruženja.

II

Upotreba naziva grada Zenica se odobrava s ciljem promocije grada i doprinosa njegovoj prepoznatljivosti, te se u svrhe suprotne navedenim ciljevima ne može koristiti.

III

Ovaj zaključak stupa na snagu narednog dana od dana donošenja, a objavit će se u "Službenim novinama Grada Zenica".

Broj: 02-45-14085/24

Zenica, 19.07.2024. godine

GRADONAČELNIK
Fuad Kasumović, s.r.

125.

Na osnovu člana 10. tačka 4) Zakona o udruženjima i fondacijama ("Službene novine Federacije BiH", broj 45/02) i člana 34. tačka 6. Statuta Grada Zenica ("Službene novine Grada Zenica", broj 5/15), Gradonačelnik Grada Zenice donosi

ZAKLJUČAK**o odobravanju unošenja naziva grada Zenica u naziv udruženja****I**

Odobrava se Nogometnom klubu "STANDARD", skraćeni naziv NK "STANDARD", unošenje naziva grada Zenica u naziv udruženja.

II

Upotreba naziva grada Zenica se odobrava s ciljem promocije grada i doprinosa njegovoj prepoznatljivosti, te se u svrhe suprotne navedenim ciljevima ne može koristiti.

III

Ovaj zaključak stupa na snagu narednog dana od dana objave u "Službenim novinama Grada Zenica".

Broj: 02-45-15196/24
Zenica, 08.08.2024. godine

GRADONAČELNIK
Fuad Kasumović, s.r.

**JAVNA USTANOVA CENTAR ZA
SOCIJALNI RAD ZENICA
-Upravni odbor-**

126.

Na osnovu člana 31. Zakona o ustanovama („Sl. list RBiH“ br. 06/92, 08/93 i 13/94), člana 35. Pravila JU Centar za socijalni rad Zenica, broj: 04/1-05-3-561/19 od 15. 07. 2019. godine, broj: 04/1-05-3-613/19 od 02. 08. 2019. godine i broj 04/1-05-3-451/21 od 26. 05. 2021. godine, a u vezi sa istekom mandata direktora JU Centar za socijalni rad Zenica, Upravni odbor na svojoj 29. redovnoj sjednici održanoj dana 23. 07. 2024. godine donosi

ODLUKU**o imenovanju vršioca dužnosti direktora JU
Centar za socijalni rad Zenica****Član 1.**

Dolovac Samir, dipl. pravnik, imenuje se za vršioca dužnosti direktora JU Centar za socijalni rad Zenica (u daljem tekstu Centar).

Član 2.

Vršilac dužnosti direktora će rukovoditi Centrom do okončanja postupka za izbor i imenovanje direktora Centra, a najduže šest mjeseci od dana njegovog imenovanja.

Član 3.

Vršilac dužnosti direktora ima sva prava i dužnosti koje ima direktor Centra, u skladu sa zakonom i Pravilima JU Centar za socijalni rad Zenica, a na osnovu ove odluke Upravni odbor i vršilac dužnosti direktora će zaključiti poseban ugovor o obavljanju poslova vršioca dužnosti direktora.

Član 4.

Ova Odluka stupa na snagu danom donošenja, a primjenjivaće se od 03. 08. 2024. godine.

O b r a z l o ž e n j e

Mehić Muameru, direktoru Javne ustanove Centar za socijalni rad Zenica, sa danom 02. 08. 2024. godine prestaje mandat na koji je izabran na poziciju dužnosti direktora JU Centar za socijalni rad Zenica.

U skladu sa članom člana 35. Pravila JU Centar za socijalni rad Zenica, a u svrhu redovnog i nesmetanog funkcionisanja Javne ustanove Centar za socijalni rad Zenica, Upravni odbor je donio odluku kao u dispozitivu.

Broj: 02/1-04-5-849/24
Zenica, 23. 07. 2024. godine

Predsjednica Upravnog odbora
Azra Smailbegović-Đuherić, dipl. pravnik, s.r.

127.

Na osnovu člana 31. Zakona o ustanovama („Sl. list RBiH“ br. 06/92, 08/93 i 13/94) i člana 35. Pravila JU Centar za socijalni rad Zenica, broj: 04/1-05-3-561/19 od 15. 07. 2019. godine, broj: 04/1-05-3-613/19 od 02. 08. 2019. godine i broj 04/1-05-3-451/21 od 26. 05. 2021. godine, Upravni odbor je na 32. redovnoj sjednici održanoj dana 12. 08. 2024. godine donio

ODLUKU

o razrješenju vršioca dužnosti direktora JU Centar za socijalni rad Zenica

Član 1.

Dolovac Samir, vršilac dužnosti direktora u JU Centar za socijalni rad Zenica, razrješava se dužnosti sa danom 15. 08. 2024. godine.

Član 2.

Dužnost v.d. direktora prestaje zbog okončanja postupka imenovanja direktora Ustanove.

Član 3.

Po prestanku obavljanja poslova vršioca dužnosti direktora, Dolovac Samir će nastaviti obavljati poslove radnog mjesta Viši stručni saradnik za materijalne oblike socijalne zaštite.

Član 4.

Ova Odluka stupa na snagu danom donošenja.

Broj: 02/1-04-5-924/24
Zenica, 12. 08. 2024. godine

Predsjednica Upravnog odbora
Azra Smailbegović-Đuherić, dipl. pravnik, s.r.

128.

Na osnovu člana 27. i člana 29. Zakona o ustanovama („Sl. list RBiH“ br. 06/92, 08/93 i 13/94), člana 33. Pravila JU Centar za socijalni rad Zenica, Pravila JU Centar za socijalni rad Zenica, broj: 04/1-05-3-561/19 od 15. 07. 2019. godine, broj: 04/1-05-3-613/19 od 02. 08. 2019. godine i broj 04/1-05-3-451/21 od 26. 05. 2021. godine i uz Saglasnost Gradonačelnika Grada Zenica, broj: 02-45-15163/24 od 08. 08. 2024. godine, Upravni odbor JU Centar za socijalni rad Zenica na 32. redovnoj sjednici održanoj dana 12. 08. 2024. godine, donosi

ODLUKU

o imenovanju direktora JU Centar za socijalni rad Zenica

Član 1.

Mehić Muamer, diplomirani pravnik, iz Zenice, imenuje se za direktora JU Centar za socijalni rad Zenica na mandatni period od četiri godine, počev od **16. 08. 2024.** godine.

Član 2.

Ova Odluka stupa na snagu danom donošenja, a objavit će se u Službenim novinama Federacije Bosne i Hercegovine i Službenim novinama Grada Zenica.

Broj: 02/1-04-5-925/24
Zenica, 12. 08. 2024. godine

Predsjednica Upravnog odbora
Azra Smailbegović-Đuherić, dipl. pravnik, s.r.

S A D R Ź A J**GRADSKO VIJEĆE**

102. Odluka o davanju saglasnosti za izdavanje garancije za kreditni aranžman JP "Grijanje" d.o.o. Zenica sa Evropskom bankom za obnovu i razvoj (EBRD) 1
103. Odluka o davanju saglasnosti JP "Grijanje" d.o.o. Zenica za kreditno zaduženje kod Evropske banke za obnovu i razvoj (EBRD) 2
104. Odluka o prihvatu Izvještaja o provedenom postupku po ponovnom međunarodnom javnom pozivu za iskazivanje interesa za kupovinu kompleksa / nekretnina bivšeg Zeničkog odmarališta Duće, Općina Dugi Rat, Republika Hrvatska s prijedlogom Komisije za zaključenje predugovora o kupoprodaji kompleksa / nekretnina bivšeg Zeničkog odmarališta u mjestu Duće, Općina Dugi Rat, Republika Hrvatska 3
105. Odluka o izmjenama i dopunama Odluke o zakupu poslovnih prostora 4
106. Odluka o izmjeni i dopuni Odluke o povjeravanju na upravljanje i korištenje dijela parcele u K.O. Gradišće JU "Dom zdravlja" Zenica bez naknade 9
107. Odluka o promjeni statusa javnog dobra 9
108. Odluka o organizaciji i načinu naplate parkiranja na javnim parking površinama 12
109. Odluka o povjeravanju postojećeg parkinga u naselju Jalija, te dijela zelenih površina na kojim će biti formiran novi parking na upravljanje, korištenje, unapređenje i održavanje JP „Parking servis“ d.o.o. Zenica 17
110. Odluka o kriterijima i postupku za određivanje naziva ulica, bulevara, trgova, mostova i parkova na teritoriji grada Zenica 18
111. Odluka o izmjeni i dopuni Odluke o provođenju Prostornog plana grada Zenica za period 2016.-2036. godine 22

GRADONAČELNIK

112. Zaključak o preraspodjeli sredstava u Budžetu Grada Zenica za 2024. godinu 22 23
113. Zaključak o preraspodjeli sredstava u Budžetu Grada Zenica za 2024. godinu 23
114. Zaključak o uvećanju sredstava u Budžetu Grada Zenica za 2024. godinu
115. Zaključak o preraspodjeli sredstava između budžetskih korisnika u Budžetu Grada Zenica za 2024. godinu 24 25
116. Zaključak o odobravanju izdvajanja sredstava iz tekuće budžetske rezerve 25
117. Zaključak o preraspodjeli sredstava u Budžetu Grada Zenica za 2024. godinu
118. Zaključak o preraspodjeli sredstava između budžetskih korisnika u Budžetu Grada Zenica za 2024. godinu 26

119. Zaključak o odobravanju izdvajanja sredstava iz tekuće budžetske rezerve	27
120. Zaključak o preraspodjeli sredstava u Budžetu Grada Zenica za 2024. godinu	27
121. Zaključak o uvećanju sredstava u Budžetu Grada Zenica za 2024. godinu	28
122. Zaključak o preraspodjeli sredstava u Budžetu Grada Zenica za 2024. godinu	28
123. Rješenje o imenovanju člana Nadzornog odbora Zeničke razvojne agencije ZEDA d.o.o. Zenica	29
124. Zaključak o odobravanju unošenja naziva grada Zenica u naziv udruženja	29
125. Zaključak o odobravanju unošenja naziva grada Zenica u naziv udruženja	30

JAVNA USTANOVA CENTAR ZA SOCIJALNI RAD ZENICA

-Upravni odbor-

126. Odluka o imenovanju vršioca dužnosti direktora JU Centar za socijalni rad Zenica	30
127. Odluka o razrješenju vršioca dužnosti direktora JU Centar za socijalni rad Zenica	31
128. Odluka o imenovanju direktora JU Centar za socijalni rad Zenica	31